

文獻通考

二百五十八上九

帝系考

漢書門類	六〇〇	函號	二	架冊	一四〇
------	-----	----	---	----	-----

內閣文庫	漢書	六〇〇	函號	二	架冊	五〇八
------	----	-----	----	---	----	-----

內閣文庫	
番號	漢 600
冊數	140 (104)
函號	294 6

廿百四



Kodak Gray Scale
A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



文獻通考卷之二百五十八

鄱陽馬

端臨

淺草文庫
貴與著

帝系攷

公主

唐堯二女長曰娥皇次曰女英以妻舜

孟子舜尚見帝帝館甥于貳室亦饗舜迭為賓

王尚上也舜上而見於帝堯也貳室副
宮也堯舍舜於副宮而就饗其食 ○堯之


於舜使其子九男事之二女女焉百官牛羊倉

廩備以養舜於畎畝之中

商帝乙歸妹以祉元吉

周武王以元女大姬配虞胡公而封之陳以備三

恪



詩何彼穠矣美王姬雖則王姬亦下嫁於諸侯

車服不係其夫下王后一等猶執婦道以成肅

雖之德也下王后一等謂車服疏曰乘厭翟服則下王后一等若諸侯之天子尊無二上

故其女可下王后一等若諸侯之天子尊無二上

其夫禮之爵何休云天子嫁女於諸侯備姪娣如

王姬宜為媵今何休云武三五男二女元女妻胡公

侯之子何休事未可據也何彼穠矣唐棣之華

曷不肅雖王姬之車禮猶戎戎衣厚兒唐棣移

諸侯車服之盛如此而不敢挾貴以驕其夫故

如桃李皆言王姬容色之盛美也何彼穠矣

華如桃李平王之孫齊侯之子武王女文王孫

平王之孫齊侯之子其知其鈞維何維絲伊緡齊

侯之子平王之孫為昏言侯子王孫宜為偶如

合絲為綸

魯莊公元年秋築王姬之館于外

左氏傳為外禮公在諒闇慮齊侯當親迎不忍

故築舍于外齊強魯弱又委罪於彭生魯不能

能讎齊然喪制未畢故異其禮得禮之變

公羊傳何以書譏爾築之禮也于外非禮也以

外知有築內之道也于外非禮也禮同姓本有

主嫁女之道必闕地于夫人之下群公子之上

于時魯國故築于外于外何以非禮據非築于外

非禮也于遠辭也為營衛不固不以將嫁于

命而外之其築之何以禮據禮當主王姬者必

故曰非禮其築之何以禮據禮當主王姬者必

為之改築主王姬者曷為必為之改築據諸侯

於路寢則不可小寢則嫌遠所以羣公子之舍

謂女公則以卑矣謂太其道必為之改築者也

以上傳言爾之當築夫人穀梁傳築禮也于外
非禮也外城也築之為禮何也主王姬者必自公
門出公門朝之侯迎者故在公門之內築王姬之
館於廟則已尊於寢則已卑為之築節築之外
變之正也築之外變之為正何也仇讐之人非
所以接婚姻也衰麻非所以接弁冕也親迎服
有桓之喪其不言齊侯之來逆何也不使齊侯
得與吾為禮也

初學記昔堯女有娥皇女英舜妹有敷手舜
女有宵明燭光易有帝乙歸妹周武王之女
嫁于陳並未有封邑之號至周中葉天子嫁
女于諸侯天子至尊不自主婚必使諸侯同

姓者主之始謂之公主秦代因之亦曰公主
漢制帝女為公主帝姊妹為長公主漢制皇
女皆封縣公主儀服同藩王

秦二世時十公主斃死於杜皆始皇

漢制皇女皆稱縣公主謂之公主天子不親主婚故

儀服同藩王諸王女皆封鄉亭翁主儀服同鄉亭

侯漢書謂齊厲王姊為紀翁以列侯尚公主王古

家令門尉皆屬宗正又有三傅東方朔傳昭平君

也傳姆中府東方朔傳館陶公主中府

太上皇女師古曰中府掌金帛之藏

太上皇女

昭哀后 高帝姊初封宜夫人呂后七年尊曰昭哀后

高祖一女

魯元公主 宣平侯張敖尚之孝惠時齊悼惠王尊為魯元太后

文帝二女

館陶長公主 寶后生女文帝即位為館陶長公主師古曰年長故謂長公主堂

邑侯陳千尚之見寶后傳

公主 周勃太子勝之尚之見周勃傳

景帝三女

平陽公主 王皇后長女本陽信長公主也為平陽侯曹壽所尚改稱平陽公主壽有

惡疾上乃詔衛青尚平陽主見青傳

南宮公主 王皇后次女

隆慮公主 王皇后女並見王皇后傳

武帝五女

鄂邑蓋長公主 昭帝姊燕刺王傅云食邑鄂而師古曰信不取鄂主為妻當是信子須侯充耳

夷安公主 隆慮公主子昭平君尚見東方朔傳

衛長公主 外戚傳云子夫生三女長主衛太子姊也帝以妻藥大郊祀志

諸邑公主 五行志征和二主皆下獄死

陽石公主 見上又武紀注云二公主皆衛皇后女

宣帝二女

館陶公主 華婕妤好女名施于定國子于永尚

敬武公主 張臨尚元帝令薛宣尚後王莽白太后賜藥死見宣傳

元帝三女

平陽公主 儀傳昭儀女

平陽公主

衛婕妤女見中山衛姬傳

潁邑公主

杜業尚

西漢和蕃公主

高帝罷平城歸是時冒頓單于兵疆控弦四十萬騎數苦北邊上患之以問婁敬敬曰陛下誠能以適長公主妻單于厚奉遺之彼知漢女送厚蠻夷必慕以為闕氏生子必為太子代單于冒頓在固為子壻死外孫為單于豈曾聞外孫敢與大父抗禮哉可毋戰以漸臣也若陛下不能遣長公主而令宗室及後宮詐稱公主彼亦知不肯貴近無益也高帝曰善遣長公主呂后泣曰妾唯一太子一女柰何棄之匈奴上竟不能遣長公主而取家人

子為公主妻單于使敬往結和親約

婁敬傳

孝惠二年以宗室女為公主嫁匈奴單于

本紀

匈奴老上單于初立文帝復遣宗人女翁主為單

于闕氏使宦者中行說傳翁主

匈奴傳

孝景五年遣公主嫁匈奴單于

本紀

孝武元封中烏孫昆莫使使獻馬願得尚漢公主

為昆弟天子問羣臣議許曰必先納聘然後遣女

烏孫以馬千匹聘漢遣江都王建女細君為公主

以妻焉賜乘輿服御物為備官屬宦官侍御數百

人贈送甚盛昆莫以為右夫人昆莫年老欲使其

孫尚公主公主不聽上書言狀天子報從其國俗

岑陬遂妻公主生一女少夫公主死漢復以楚王

戊之孫解憂為公主妻岑陬西域傳

甘露三年楚公主上書言年老思土願得歸骸骨

葬漢地天子聞而迎之公主與烏孫男女三人俱

來至京師時年且七十賜田宅奴婢奉養甚厚朝

見儀比公主西域傳

元帝竟寧元年匈奴呼韓邪單于復入朝自言願

婿漢氏以自親帝以後宮良家子王嬙字昭君賜

單于單于驩喜昭君寧胡閼氏生一男呼韓邪死

株紮單于復妻王昭君生二女長女為須卜居次

小女為當于居次居次者女之號若漢言公主也見匈奴傳

後漢制同前漢其後安帝姊妹亦封之長公主同

之皇女安帝姊妹清河孝王之女其皇女封公主者所生之子

襲毋封為列侯皆傳國于後鄉亭之封則不可傳

襲永初元年鄧太后封清河孝王慶女十一人皆為鄉公主分食邑俸

諸公主置家令一人東觀書曰其主薨無子置傳一人守其家

南頓君三女

湖陽長公主黃

新野公主元適鄧晨

寧平長公主伯姬適李通

世祖五女

舞陽長公主義王適梁松

涅陽長公主中禮適竇固

館陶公主紅夫適韓光

滴陽公主禮劉適郭璜

酈邑公主綬一作適陰豐

顯宗十一女

獲嘉長公主姬適馮柱

平陽公主奴適馮順

隆慮公主迎延或作適景襲

平氏公主次不言所適史

沁水公主致適鄧軋

平臯公主小姬適鄧蕃

浚儀公主適王度

武平長公主惠適來稜

魯陽公主臣

樂平公主小迎

成安公主小民

肅宗三女

武德長公主男

平邑公主王適馮由

陰安公主吉

和帝四女

脩武長公主保

共邑公主成

臨穎公主適賈建

聞喜公主興

順帝三女

舞陽長公主生

冠軍長公主成男

汝陽長公主廣

桓帝三女

陽安長公主華延適伏全

潁隈長公主堅

陽翟長公主脩

靈帝一女

萬年公主某

魏制公主有家令僕丞行夜督郵

太祖女

清河長公主適夏侯楙

金鄉公主適何晏

文帝女

東鄉公主

明帝女

平原懿公主

早夭追封帝取甄皇后從孫黃之
喪與主合葬追封黃列侯以郭德

嗣黃後封平原
侯襲公主爵

齊長公主適李韜

公主適任愷

晉文帝女

常山公主適王濟

長廣公主適甄德

京兆公主

武帝女

滎陽公主適盧諶

繁昌公主適衛宣

滎陽公主適盧恒

新豐公主

萬年公主

惠帝女

臨海公主適曹統

始平公主

元帝女

尋陽公主適王禕之

明帝女

南康公主適桓温

襄城公主適王敦

平陽公主

平陽公主

武安公主

河東公主

哀獻皇女

公主適荀羨

公主適荀羨

南郡公主適羊賁

廬陵公主適劉惔

簡文帝女

新安公主適王獻之

孝武帝女

晉陵公主適謝混

恭帝女

海鹽公主

宋公主有傳令傳令不得朱服

武帝女

會稽宣長公主適徐達之

宣城德公主適周嶠

吳興公主適王偃

鄱陽公主適王偃

富陽公主

豫康長公主適徐喬

新安公主適王景深

安哀公主適楮湛之

義興長公主

吳郡公主

文帝女

東陽獻公主適王僧綽

淮陽公主適江湛

新蔡長公主適何邁

尋陽公主適郗暉

臨川長公主英媛適王藻

南郡獻公主適楮淵

廬江公主適楮澄

孝武女

山陰公主適何戢

臨海公主適江敷

安固公主適王志

臨汝公主適何敷

安吉公主適蔡約

山陰公主楚玉

唐樂公主脩明

皇女楚琇

明帝女

陽羨公主適王儉

臨淮公主適王瑩

晉陵公主伯姒

建安長公主伯媛

宋世諸主莫不嚴妬明帝每疾之湖熟令表愔妻以妬賜死使近臣虞通之撰妬婦記左光祿

大夫江湛孫敷當尚孝武帝女上乃使人為敷

作表讓婚曰伏承詔旨當以臨海公主降嬪榮

出望表恩加典外顧審輜蔽伏用憂惶臣寒門

悴族人凡質陋問閭有對本隔天姻如臣素流

家貧業寡年近將冠皆已有室荆釵布裙足得

成禮每不自解無偶迄茲媒訪莫尋素族弗問

自惟門慶屢降公主天恩所覃庸及醜末懷憂

抱惕慮不獲免徵命所當果膺茲舉雖門忝宗
榮於臣非倖仰緣聖貸冒陳愚實自晉氏以來
配尚王姬者雖累經美胄極有名才至如王敦
懾氣桓溫歛威真長佯愚以求免于敬炙足以
違禍王偃無仲都之質而保雪於此階何瑀闕
龍工之姿而投軀於深井謝莊殆自害於矇叟
殷仲幾不免於強鉏彼數人者非無才意而勢
屈於崇貴事隔於聞覽吞悲茹氣無所逃訴制
勒甚於僕隸防閑過於婢妾行來出入入理之
常當代賓客朋從之義而今掃轍息駕無關門
之期廢筵抽席絕接對之理非惟交友離異乃
亦兄弟踈闊第令受酒肉之賜制以動靜監子

待錢帛之私節其言笑姆妳爭媚相勸以嚴尼
媪競前相諂以急第令必凡庸下才監子皆葭
萌愚豎議舉止則未閑是非聽言語則謬於虛
實姆妳敢恃者舊唯贊妬忌尼媪自唱多知務
檢口舌其間又有應答問訊卜筮師母乃至殘
餘飲食詰辯與誰衣被故弊必責頭領又出入
之宜繁省難哀或進不獲前或入不聽出不入
則嫌於欲踈求出則疑有別意召必以三晡為
期遣必以日出為限夕不見晚魄朝不識曙星
至於夜步月而弄琴晝拱袂而披卷一生之內
與此長乖又聲影裁聞少婢奔迸裾袂向席則
醜老叢來左右整刷以疑寵見嫌賓客未冠以

少容致斥禮有列媵象有貫魚本無媢嫡之嫌
豈有輕婦之誚今義絕傍私虔恭正匹而每事
必言無儀適設辭輒云輕易我又竊聞諸主聚
集唯論夫族緩不足為急者法急則可為緩者
師更相扇誘本其恒意不可貸借固實常辭或
云野敗去或云人笑我雖曰家事有甚王憲發
口所言恒同科律王藻雖復強佞頗經學涉戲
笑之事遂為冤魄楮暖憂憤用致天絕傷理害
義難以具聞夫螽斯之德實免克昌專妬之行
有妨繁衍是以尚主之門往往絕嗣駙馬之身
通離釁咎以臣凡弱何以克堪必將毀族淪門
豈伊身昔前後嬰此其人雖衆然皆患彰遐邇

亭隔天朝故吞言咽理無敢論訴臣幸屬聖明
矜照由道弘物以典處親以公臣之鄙懷可得
自盡如臣門分世荷殊榮足守前基便預提拂
清官顯位或由才升一叨婚戚咸成恩假是以
仰冒非宜披露丹實非唯止陳一已規全身願
寔乃廣申諸門受惠之切伏願天慈照察特賜
蠲停使雀燕微羣得保叢尉蠢物憐生自己彌
篤若恩詔難降披請不申便當刊膚剪髮投山
竄海帝以此表遍示諸主以諷切之并為戲笑

按自王姬執婦道之風不見於後世後之
公主皆庸奴其夫晉人已有無事取官府
之說至六朝而其敝尤甚南史王誕傳載

辭婚表雖戲笑之言然亦當時事實也故錄于此

齊梁陳皆踵宋制

齊高帝女

義興獻公主適沈文和

臨海長公主適王彬

武帝女

武康公主適徐演

長城公主適何敬容

明帝女

山陰公主適徐况

錢塘公主適謝覽

梁武帝女

安吉公主適王實

長城公主適柳偃

永嘉公主適王銓

永興公主王姚

永世公主王婉

永康公主王嫫

臨安公主

簡文帝女

餘姚公主適王溥

南河公主適袁憲

溧陽公主

辱於景侯

元帝女

益昌公主

陳武帝女

永嗣公主適錢藏

帝即位時主已卒追封至是

尉侍中袁樞議曰昔王姬下降必適諸侯都尉置

初列侯尚主自斯以後降嬪素族駙馬都尉置

曹植表駙馬奉車取為一號齊職儀曰凡尚公

主必拜駙馬都尉魏晉以來因為贍準蓋以王

姬之重庶姓之輕若不如其等級寧可合昏而

醜所以假駙馬之位乃宗於皇女也今公主早
薨伉儷已絕既無禮數致疑何須駙馬之授按
杜預尚晉宣帝第二女晉武踐祚而主已亡泰
始中追贈公主主元凱無復駙馬之号梁文帝女
新安穆公主蚤薨天監初王氏無追拜之事遠
近二例足以披明無勞此授今宜追贈亭侯時
為議以

會稽穆公主適沈君環

文帝女

信女公主適蔡凝

義興公主適錢肅

富陽公主適柳盼

後魏公主有家令丞

道武曾引崔容講論漢書至婁敬說漢祖欲以
魯元公主妻匈奴善之嗟嘆良久是以諸公主
皆嫁于賓附之國朝臣子弟良族美彥不得尚

馬

平陽公主薨石肇欲使公主家令居廬制服大
常博士常景曰今王姬降適雖加爵命事非君
邑理異列土何者諸王開國備立臣吏生有趨
奉之勤死盡致喪之禮而公主家令唯有一人
其丞以下命之屬官既無接事之儀實闕為臣
之體原夫公主之貴所以立家令者蓋以主之
內事脫須關外理無自達必也因人然則家令
唯通內外之職及典主家之事耳無關君臣之
理名義之分也由是推之家令不得為純臣公
主不可為正君明矣且女人之為君男子之為
臣古禮所不載先朝所未議乃寢

道武女

華陰公主適問大肥 漢澤公主

明元女

宜陽公主適穆逐留 武威公主適沮渠蒙捷

上谷公主適乙懷 南安長公主適杜超

太武女

樂陵公主適穆壽 始平公主適赫連昌

博陵長公主適馮懸

景穆女

城陽公主適穆平國 長樂公主適穆正國

安樂公主適乙乾歸 高陽公主適萬振

文成女

濟北公主適穆伏干 河南公主適萬安國

上左公主適赫連宿石

西河長公主適薛初古拔

武邑公主建興公主平陽長公主並適劉昶

新平長公主適穆羆 中山長公主適穆亮

獻文女

長城公主適穆真 琅琊公主適穆紹

常山公主適陸騰 趙郡公主適司馬躍

高平公主適高肇 樂安長公主適馮誕

彭城長公主初適劉承緒再適王肅

樂浪長公主適盧道裕

孝文女

淮陽公主適乙瑗

華陽公主適司馬肱

長樂公主適高猛

安樂公主

始平公主

淮王長公主適乙弗瑗

章武長公主適穆泰

蘭陵長公主適劉暉

南陽長公主適蕭寶寅

濟南長公主適盧道虔

順陽長公主適馮穆

宣武女

建德公主適蕭烈

壽陽長公主適蕭贇

文帝女

金明公主適尉遲迴

北齊後周隋公主官屬皆如後魏制

齊神武女

太原長公主初為魏孝靜皇帝后後再適楊愔

東平長公主適可朱道元

公主適司馬消難

浮陽長公主適李千學

文宣女

東安公主適段深

義寧公主適斛律武都

中山長公主適段寶鼎 公主適潘子晃

周文帝女

霍國公主適賀拔緯

襄樂公主適韋世康

襄陽公主適竇毅

永富公主適史雄

順陽公主適隋滕穆王楊瓚

西河長公主適劉昶

新興公主適蘇威宇文護女

武帝女

清都公主適閻毗

隋文帝女

樂平公主為周天元帝后

蘭陵公主初適王奉孝再適韋機

煬帝女

南陽公主適宇文士及

後魏以來和蕃公主

魏太武女 公主適氏主揚保宗

光化公主適吐谷渾世伏

廣樂公主適吐谷渾夸呂 魏濟南王匡孫女

西海公主適蠕蠕主郁久間吳提

化政公主 元翌女 蘭陵公主並適蠕蠕主郁久間

阿那瓌

長樂公主適突厥主阿史那土門

周千金公主 趙王招女 適突厥主阿史那他鉢

隋華容公主適高昌王伯雅

義安公主 宗女 適突厥可汗突利

義成公主 宗女 適突厥可汗啓民

史稱魏道武採婁敬之說諸公主皆嫁于

賓附之國朝臣良族子弟皆不得尚蓋間

大肥楊保宗之屬皆夷狄也似不必分別

為和蕃公主然間大肥輩則部落之服屬

而為臣者也楊保宗輩則外國之未服屬

而為敵者也又國內之胡人所娶皆帝女

而外國之君長所娶多宗女此又其所以不同也

唐制皇姑為大長公主後亦謂之妍為長公主女

為公主皆封國視正一品太子女為郡主封郡視

從一品親王女為縣主正二品建中元年十二月

廢縣初開元中置禮會院于崇仁里自興兵已來

廢而初開元中郡縣主不降嫁三

子弟皆散棄無位或流落他縣上即位始叙用枝

屬以時婚嫁公族老幼莫不悲感及縣主將嫁小

大之物必周其用○貞元十五年勅駙馬郡縣主

如實無子准式養男並不得用母陰○會昌五年

勅今後先降嫁公主縣主如有兒女者並不冉請

從人如無兒者陳奏委示正寺處分而有妄稱無

者輒請再從人凡諸王及公主皆以親為尊皇之昆

弟妹先拜於皇子上稱啓神龍初下詔革之二

年勅公主府設官屬鎮國太平公主儀比親王

長寧安寧唯不入置長史餘並同親王宜城新都

定安金城等公主非皇后生官負減半其金城公

主以出降吐蕃特置司馬景龍四年停公主府依

舊邑司末淳前親王食實戶八百增至千輒止公

曆時進及三千戶預誅二張功增號鎮國與相王

均封五千薛武二家皆食實封主與相王衛王成

王長寧樂安二公主給衛士環第十步一區持兵

呵衛備肖宮省神龍時與長寧安樂宜城新都定

至三城凡七公主皆開府置官屬視親王安樂戶

韋后所生唐隆元年六月勅公主置府近有勅總

停其太平公主有崇保社稷功其鎮國太平公主

府即宜依舊酸棗縣尉袁楚容奏記於中書令魏

柔分矣中外斯隔陰陽著矣豈可相濫哉然而幕

僚崇置宦秩不德風雨無爽其可乎竊謂非致遠

之計乖久安之策書曰事不師古以克永世開元
匪說攸聞此之謂也君侯不正而誰正之哉
四年三月制諸封國自始封至曾孫者其封戶三
分減一十年加永穆公主封千戶初永穆等各封
五百戶左右以
為太薄上曰夫百姓租賦者非吾有也斯皆宗廟
社稷蒼生是為爾邊隅戰士出萬死不顧一生所
賞賜纒不過一二正此輩何功於人頓食厚封
約之使之儉嗇不亦可乎左右以長公主皆二千戶
請與比上曰吾常讀後漢書見明帝曰朕子不敢
望先帝予車服下之吾未嘗不廢卷歎息如何欲
令此輩望長公主乎左右不敢復言至是公主等
車服不給故加焉自後公主皆封千戶遂成其例
凡諸王及公主以下所食封邑皆以課戶充州縣
與國官邑官共執文帳准其戶數收其租調均為
三分其一入官其二入國公所食邑則全給焉
二十年五月勅諸食邑實封並以三丁為限不須
一分入官其物仍令封隨庸調送入京○凡公主

封有以國名者鄆國代國霍國是也有以郡名者
平陽宣陽東陽是也有以美名者太平安樂長寧
是也惟玄宗之女皆以美名名之
世祖二女

同安公主適王裕

高祖十九女

長河公主適馮少師 襄陽公主適竇誕

平陽昭公主適樂紹主及柴紹起兵佐高祖取
長安武德六年薨葬加前

後部羽葆鼓吹大路麾幢虎賁甲卒班太常儀
婦人葬古無鼓吹帝曰鼓吹軍樂也往者主身
執金鼓參佐命于
古有耶宜用之

高密公主初適長孫孝政再適段倫

長廣公主適趙慈景 長河公主適豆盧懷讓

房陵公主初適竇奉節再適賀蘭僧伽

九江公主適執失思力 廬江公主適喬師望

南昌公主適蘇勗 安平公主適楊思敬

淮南公主適封道言 真定公主適崔恭禮

衡陽公主適阿史那社尒

丹陽公主適薛萬徹 臨海公主適裴師律

館陶公主適崔宣慶

安定公主初適温挺再適鄭敬言

常樂公主適趙壞

太宗二十一女

襄城公主初適蕭鏡再適姜簡主性孝睦動循

主視為法有司告營別第曰婦事舅姑如事父母異宮則定省闕止葺故第門列雙戟而也

南平公主初適王敬直再適劉玄意敬直王珪

公主下嫁未嘗行見舅姑禮珪曰主上循法度

吾當受公主謁見豈為身榮將以成家國之美

遂安公主初適竇達再適王大禮於後主出降有舅姑者備禮始於珪

豫章公主適唐義識

長樂公主適長孫冲帝以主長孫后所生勅有

昔漢明帝封諸王言朕子安得同先帝子然則

長公主尊公主矣制有差等豈可越乎帝以語

后后贊徵勸帝從之仍賞徵 北景公主適柴令武 普安公主適史仁表

東陽公主適高履行 臨川公主適周道務

清河公主適程懷亮 蘭陵公主適竇懷哲

晉陽公主初適韋思安再適楊仁輅

安康公主適獨孤諶 新興公主適長孫犧

城陽公主初適杜荷再適薛瓘

合浦公主適房遺愛 汝南公主蚤卒

金山公主蚤卒 晉陽公主蚤卒

常山公主蚤卒

新城公主初適長孫詮再適韋正矩

高宗三女

義陽公主適權毅 高安公主適王昺

太平公主初適薛紹再適武攸暨

中宗八女

新都公主適武延暉 宜城公主適裴巽

安定公主初適王同皎再適韋濯三適崔銑

長寧公主初適楊慎交再適蘇彦伯

永壽公主適韋鍼 永泰公主適武延基

安樂公主初適武崇訓再適武延秀

成安公主適韋捷

睿宗十一女

壽昌公主適崔真 安興昭懷公主蚤卒

荆山公主適薛伯陽 淮陽公主適王成慶

代國公主適鄭萬鈞 涼國公主適薛伯陽

薛國公主初適王守一再適裴巽

鄆國公主初適薛倣再適鄭孝義

金仙公主 玉真公主皆入道不嫁

霍邑公主適裴虛已

玄宗二十九女

永穆公主適王繇 常芬公主適張去奢

孝昌公主 靈昌公主 上仙公主

懷思公主 普康公主 宜春公主 並 卒

唐昌公主適薛鏞

常山公主初適薛譚再適竇澤

萬安公主不嫁為道士 晉國公主適崔惠童

新昌公主適蕭衡 臨晉公主適郭潛曜

衛國公主初適豆盧建再適楊說

信成公主適獨孤明

真陽公主初適源清再適蘇震

楚國公主適吳澄江 昌樂公主適竇諤

永寧公主適裴齊丘

宋國公主初適溫西華再適楊徽

咸宜公主初適楊洄再適崔高

齊國公主初適張垺再適裴頴三適楊敷

太華公主適楊琦

廣寧公主初適程昌胤再適蘇克貞

壽昌公主適郭液

萬春公主初適楊肱再適楊錡

樂城公主適蘇履謙

新平公主初適裴玲再適姜慶初

壽安公主適蘇發

肅宗七女

宿國公主適豆盧湛

肅國公主初適鄭巽再適薛康衡三適回紇英

武威遠可汗

和政公主適柳潭 郟國公主適張清

紀國公主適鄭沛 永和公主陽王診

郃國公主初適裴徽再適蕭升

代宗十八女

永清公主適裴倣 齊國昭懿公主適郭曖

靈仙公主 真定公主 玉清公主

太和公主 玉虛公主 西平公主

章寧公主 並蚤卒 華陽公主入道不嫁

嘉豐公主適高怡 普寧公主適吳士廣

長林公主適沈明貞 貞元二年具冊德宗不御正殿不設樂遂為故事

晉陽公主適裴液

趙國莊懿公主初適封武清再適田緒 德宗幸望春亭

臨饑厭翟不可乘以金根車代之公主出降乘金根車自主始

義清公主適柳杲 壽昌公主適竇克良

新都公主適田華

德宗十一女

韓國貞穆公主 普寧公主 義川公主

晉平公主 並蚤卒 魏國憲穆公主適王士平

鄭國莊穆公主適張茂宗 臨真公主適薛釗

永陽公主適崔諲 文安公主入道不嫁

宜都公主適柳昱

燕國襄穆公主適回紇武義成功可汗
順宗十一女

漢陽公主適郭銓 梁國恭靖公主適鄭何

東陽公主適崔祀 西河公主適沈翬

雲安公主適劉士涇 襄王公主適張克禮

尋陽公主 平恩公主 邵陽公主 並為道士

臨汝公主 卒 號國公主適王承系

憲宗十八女

梁國惠康公主適于季友 永嘉公主

永寧公主 俱為道士 衡陽公主

普康公主 義寧公主 貴卿公主 俱蚤卒

宣城公主適沈議 鄭國溫儀公主適韋讓

岐陽莊淑公主適杜侗 開成二年勅駙馬嘗為

自此準禮夫妻齊服纓杖周時岐陽公主既薨
駙馬杜侗因禮之不服重服時論推美故有是
詔

陳留公主適裴損 真寧公主適薛翊

南康公主適沈汾 臨真公主適衛洙

真源公主適杜中立 永順公主適劉弘景

安平公主適劉異 永安公主入道不嫁

定安公主適回鶻崇德可汗

穆宗八女

義豐公主適韋處仁 會昌五年中書門下奏伏

以臣妾之裁取其賤稱家人之禮宜即區別臣
等商量公主上表請如長公主之例並云某邑
公主第幾女上表郡縣
主亦望依此例從之

文 二 五 十八 二 十四

淮陽公主適柳正元 延安公主適竇澣

金堂公主適郭仲恭 清源公主蚤卒

饒陽公主適柳仲詞 義昌公主

安康公主 俱不嫁 為道士

敬宗三女

永興公主 天長公主 寧國公主

文宗四女

興唐公主 西平公主 朗寧公主

化光公主

武宗七女

昌樂公主 壽春公主 長寧公主

延慶公主 靜樂公主 樂温公主

永清公主

宣宗十一女

萬壽公主適鄭顯 永福公主

齊國恭懷公主適嚴祁 廣德公主適于琮

義和公主 饒安公主 盛唐公主

平原公主 唐陽公主

許昌公主適柳陟 豐陽公主

懿宗八女

衛國文懿公主適韋保衡 安化公主

普康公主 昌元公主 昌寧公主

金華公主 仁壽公主 永壽公主

僖宗二女

唐興公主 永平公主

昭宗十一女

新安公主 平原公主 適李繼偁

益昌公主 唐興公主 德清公主

大康公主 永明公主 新興公主

晋安公主 樂平公主

開元禮册公主及公主出降儀

册公主

前一日尚書奉御設御幄於太極殿如常守官設羣官次於東西朝堂奉禮設版位太樂令展官懸典儀設舉麾位如常又設文武羣官版位五品以上於橫街北六品以下於橫街南文武西俱重

行諸親於五品之南皇親在東諸親在西設典儀位如常儀

贊者二人在南少退俱西向册使立於懸北西上

俱北面副使立於大使東少退以後準此其日諸衛屯門列仗如

常册使羣官等依時刻集朝堂次改服朝服通事

舍人各引就朝堂位侍中量時刻版奏請中嚴鈸

戟近仗入陳於殿庭太樂令帥工人入就位協律

郎入就舉麾位典儀帥贊者先入就位諸守衛之

官各服其器服符寶郎先請寶俱詣閣奉迎通事

舍人分引王公羣官入就位又通事舍人引册使

並入立於殿門外道東西面以俟黃門侍郎帥主

節奉節及幡立於階仗南節在前中書侍郎先請

册置於案令史降公服各對舉案立於節南道東

西面中書侍郎立於案後侍中版奏外辦所由承
旨索扇扇上皇帝服通天冠絳紗袍御輿以出曲
直華蓋警蹕侍衛如常皇帝出自西房即御座南
向坐扇開協律郎偃麾戛鼓樂作符寶郎奉寶置
於御座典儀贊拜羣官在位者俱再拜訖通事舍
人引冊使入就位冊使等初入門舒和之樂作至
位樂止立定典儀曰再拜贊者承傳冊使等皆再
拜侍中進當御座前北面跪奏稱侍中臣某言冊
公主請命使俛伏興又侍中少前稱制曰可退復
位侍中承制降詣使者北面稱有制冊使副等俱
再拜侍中宣制曰冊某公主命公等持節展禮宣
制訖使副等又再拜侍中還侍位贊禮者引冊使

少前黃門侍郎引主節詣冊使東北主節以節授

黃門侍郎主節者於使左黃門侍郎持節西南授冊使

跪受興付主節幡隨節立於使左黃門侍郎退贊

禮者導中書令詣冊使東北面立又贊禮者導中

書侍郎引詣公主冊案立於中書令之右中書令

於案取公主冊舉案者皆由後立於使左以後準此授冊使冊使跪

受興置於案持案者退立於後準此贊禮者引中書令與

冊使俱向北退復位典儀曰再拜訖通事舍人引

冊使等右旋而出持節者前導持案者次之冊使

等初行樂作出門樂止侍中前跪奏稱侍中臣某

言禮畢俛伏興還侍中位所由承旨索扇扇上皇

帝興太樂令令撞蕤賓之鍾右五鍾皆應鼓祝奏

太和之樂皇帝降座御輿入自東房侍衛警蹕如
來儀侍臣從至閤扇開樂止通事舍人引羣臣在
位者以此出舉冊者及冊使至長樂門外次如後
儀

公主受冊

尚儀二人

讀冊

司贊一人

引公

掌贊二人

知贊

女史

四人

對舉冊案

前一日尚舍守宮計會設使者及冊案

便次於光範門及長樂門外皆道右東向司贊設
公主位於長樂門外內殿前近南當階北面西上
又設內命婦應陪位者位於公主東北及西北嬪
御等在東宮官等在西階重行相對北上又於內
命婦之前設尚儀位二皆東向以西為上又於尚

儀位南少退設司贊位掌贊二人陪其後其日典
儀設冊使位於長樂門外之西東向北上又設舉
冊案者位二在南差退東向內謁者監先取公主
冊案置於長樂門外近限內命婦以下及應在位
者並服禮衣先就位公主花釵翟衣司言引就受
冊位侍從如常儀通事舍人引冊使副使等出就
位持節者立於使者之北少退持冊案者立於冊
使副西南俱東向持節者去節衣持冊案者以案
進冊使之前北向相次而立內侍二人引使者詣
門內謁者舉案少前使取公主冊冊置於案俛伏
興通事舍人引冊使副使等俱進就次以俟尚儀
率女史詣門昇冊案入各就尚儀之前對舉冊案

皆東向司贊曰再拜凡司贊有詞司言贊公主再拜尚儀取公主冊於案持案者退少前北面稱有制曰司言贊公主再拜尚儀執冊跪讀訖退復位以冊進授公主公主受冊以授司言訖司贊曰再拜公主再拜在位皆再拜司贊少前稱禮畢司言引公主退在位以次退掌贊報內謁者監禮畢內謁者監傳報冊使等詣太極殿前南橫街南北面西上立中書令立於冊使等東北西面冊使再拜復命曰奉制冊命某公主禮畢又再拜中書令奏聞冊使等退幡節各還本司

納采

前一日主人設使者次於大門之外道右南向

其納

吉納徵請期親迎等禮皆如之其日大昕使者至於主人大門外贊禮者延入次凡賓主及行事者皆公服使者出次贊禮者引至於大門外之西東面主人立於東階下西面儐者立於主人之左北面受命出立於門東西面曰敢請事使者曰朝恩貺室于某公之子某公有先人之禮使某也請納采儐者入告主人曰寡人敢不敬從儐者出告掌畜者以鴈授使者其餘並如一品婚儀

問名

使者既出至主人還阼階上西面曰皇帝第某女封某公主餘行事並如一品婚儀其禮使者戶牖

及兩馬詞云吾子為事故至于寡人之室寡人有先皇之禮請禮從者

納吉

其日大昕使者至請事使者曰加諸卜占曰吉使某也某也敢告主人曰某公有吉寡人與在焉寡人不敢辭餘如納采之儀

納徵

其日大昕使者至入次掌事者布幕於內門外玄纁束帛陳於幕上乘馬在幕南北首西上掌事者璋以匱俟於幕東使者曰朝恩貺室于某公之子某公有先人之禮使某也以束帛乘馬請納徵主人曰某公順先典貺以重禮寡人敢不承命餘並如一品婚儀

請期

其日大昕使者至入次至請事使者曰某公有賜既申受命某公使某請吉日儻者入告主人曰寡人既受前命惟命是听使者曰某公命某听命于王儻者入告主人曰寡人固惟命是听使者曰某公使某受命于王王不許某敢不告期曰某日餘並如一品婚儀

親迎

其日大昕婿之父告廟醮子並如一品婚儀子再拜降出乘輅備儀仗詣主人之第賓將至內贊者布席於東房當戶南向設鐎鯁醴等於東房主人醴公主如一品醴女之儀公主著花釵褕翟纁褙入房以下並如一品醴女儀訖主人降立於東階

東南西面贊禮引賓出次立於門西東面賓者進受命出門東面曰敢請賓曰某王命某之父以茲初昏命某將請承命儂者入告主人曰寡人固敬其以請至奠鴈出如常禮初賓入門主婦出立於房中外之西南面於賓拜訖姆導公主出主人少進西面戒之如有正焉若衣若花命之曰戒之敬之夙夜無違命主婦戒之於西階上施衿結帨戒之曰勉之敬之夙夜無違公主出以下並如常儀同牢

初婚掌事者設洗於東階東南及陳設牢饌鉶俎之數各依其品羊豕節折大羹在於灋其器皆明以陶甒餘並如一品儀

見舅姑

見之日公主夙興沐浴著花釵服褕翟舅服公服姑著鈿釵禮衣其儀同一品婚禮公主降西階以出無取脯授婦氏之儀

盥饋舅姑

公主盥饋以小牢舅姑公主服如見禮及醕舅姑訖內贊者設公主席於舅姑席東北南面餘並如一品禮

婚會

婦人禮儀

以上並如一品婚儀

饗丈夫送者

同一品儀加送以乘馬設從者乃於西廊下

饗婦人送者

女相者引貴升降酬以束帛餘如丈夫禮

唐和蕃公主

弘化

宗室女正觀時降吐

文成

宗室女正觀時降吐蕃贊

普弄

贊命禮部尚書江夏王道宗送之弄贊親

迎河

源見王人執子婚禮甚謹歎大國服飾儀

禮之

盛有愧色謂所親曰我祖父未有通婚大

國者

今我得尚大唐公主當築一城以誇示後

世仍

遣酋豪子弟請金城雍王守禮女神卷

入國

學習詩書從之

寧國

肅宗女乾元時降回紇英武威遠可汗置

永樂

宗室女開元時適契丹於鄭郡王李失活

燕郡

餘姚公主女慕容氏開元時

固安

從外生女辛氏開元時降奚首領李大輔

蘇牙

官謀歸突厥

主殺之以功被賞

東光

咸安公主韋氏

交河

時降突厥施可汗蘇祿

和義

宗室女天寶時

靜樂

外孫獨孤氏天寶時降松

宜芳

外生女楊氏天寶時降饒

崇微

僕固懷恩女大曆

咸安

德宗女貞元時降回紇夫親

太和

憲宗女長慶時出

梁太祖女

安陽公主適羅延規

長樂公主適趙巖

普寧公主適王昭祚

金華公主

真寧公主

少帝女

壽春公主

壽昌公主

後唐武帝女

瓊華長公主適盜知祥

瑤英公主適張延釗

明宗女

永寧公主適晉高祖

興平公主適趙延壽

壽安公主

永樂公主

晉高祖女

長安公主適楊承祚

漢高祖女

永寧公主適宋延渥

周太祖女

樂安公主

壽安公主適張永德

永寧公主

宋太祖六女

三長女不及封

秦國長公主適王承衍

晉國大長公主適石保吉

許國長公主適魏成信

宋初之制初被選尚者即拜駙馬都尉賜玉帶襲衣銀鞍勒馬采羅百疋謂之繫親又賜其家銀萬兩令辦聘財之數倍於親王聘妃出降賜甲第餘如諸王夫人之制而扇加四引障花燭籠各加

十

太宗七女

長女不及封

燕國長公主適吳元康

曹國長公主

中國大長公主皆出家為尼

鄧國長公主適平貽永

晉國大長公主適柴宗慶

齊國大長公主適李遵勉舊制選尚者降其父為兄弟行是時遵勉

父繼昌尚無恙注因誕日以舅禮謁繼昌帝聞而嘉之賜金幣

真宗二女

長女不及封

次及幼入道亦早薨

仁宗十三女

周陳國公主適李瑋 周國公主

漢國公主 秦國公主

魏國公主 魯國公主

吳國公主

燕國公主

楚國公主皆蚤夭 兗國公主適曹詩

秦魯國大長公主適錢景臻至紹興十三年始薨

慶壽寶壽二公主史不言所適

公主册禮嘉祐二年儀註前一日有司設册使副幕次於內東門外又設內命婦次於公主受册印本位門外又設公主受册印位於本位庭階下北向又設册使位於內東門副使及內給事於其南差退並東向北上又設册印案位於册使前南向又設內給事位於册使北南向其日自文德殿奉册印將至內給事詣本位諸公主服首飾榆翟册印至內東門外褥位置訖內臣引內命婦俱入就

位禮直官引冊使副俱立東向位內給事前東向躬稱冊使三堯臣副使田况奉制授公主冊印退復內給事入詣所設冊印本位公主前言訖退內給事進詣冊使前面使跪以冊印授內給事內給事亦跪以授內謁者冊使退復內謁者及主當內臣持冊印入內東門內給事從入詣本位庭又內給事贊公主降立庭中北向位跪取冊興立於公主之右少前西向又內給事立於公主之左少前東向又內給事稱有制內給事贊公主再拜內給事奉冊跪授公主公主受以授內給事奉印亦然復贊再拜前引公主升位以次內臣引內命婦賀內給事贊言禮畢內命婦退遂引公主謝皇帝皇

后冊引如貴妃文曰充國公主之印

皆有匣

公主出降嘉祐二年禮官言禮閣新儀公主出降前一日行五禮古者結婚始用行人告以夫家采擇之意謂之納采問女之名歸卜夫廟吉以告女家謂之問名納吉今選尚一出朝廷不待納采又公主封爵已行誕告不得問名而卜之若納成則既有進財請期則有司擇日且稍依五禮之名存其物數俾知古者婚姻之事重而夫婦之際嚴如此亦不忘古禮之義也時充國公主下嫁李璋詔俟出降日令夫家主婚者具合用鴈帛玉馬等物陳於內東門外以授內謁者進入內中付掌事者受之其馬不入

英宗四女

舒國公主

天早

魏楚國公主適王師約

魏國長公主適王詵

韓魏國大長公主適張敦禮

神宗十女

吳國

鄆國

潞國

邢國

邠國

兗國

皆天

周國淑懷公主

天早

唐國賢穆公主適韓嘉彥

潭國賢孝公主適王遇

徐國賢靜公主適潘意

哲宗四女

鄧國楊國二公主

世早

秦國公主適潘正夫

陳國公主適石端禮

徽宗三十四女

嘉德帝姬適曹寅

榮德帝姬適曹晟

順湣帝姬

亡早

安德帝姬適宋邦光

茂德帝姬適蔡偉

壽湣帝姬

亡早

慧湣帝姬

安淑帝姬

亡並早

崇德帝姬適曹湜

康淑帝姬

榮湣帝姬

保淑帝姬

亡並早

成德帝姬適向子房

旬德帝姬適田丕

悼穆帝姬

熙湣帝姬

敦湣帝姬

亡並早

顯德帝姬適劉文彥

順德帝姬適向子宸

申福帝姬

保福帝姬 賢福帝姬 仁福帝姬 並早

柔福帝姬 寧福帝姬 和福帝姬

永福帝姬 惠福帝姬 令福帝姬

華福帝姬 慶福帝姬 儀福帝姬

純福帝姬 恭福帝姬 比並未及選尚從

四朝國史傳史臣曰國朝帝女封公主沿襲漢

唐或以美名或以區姊妹曰長公主諸姑曰大

長公主至祖姑則或加兩國政和三年蔡京為

相建議以為不典始改為帝姬以二字易國名

四字易兩國名自祖宗以降數十女皆追加封

冊至中興時始復初故今所書但仍舊式唯徽

宗諸主乃從一時之制云

帝姬降嫁儀納采問名納吉請期婿家具禮物並

屬納成幣用王修表如儀前期太史局擇日差官奏

告景靈東西宮親迎前一日所司於東門外量地

之宜西向設婿次其日大昕婿之父服其服告於

禰廟曰無廟者行廟事天子降女於某名以某日

親迎敢告再拜子將行父醮子於廳事贊者設父

位於中間南向設子位於父位之西近南東向父

即座子公服升自西階進立於位前贊者注酒於

醴西向授子子再拜跪受贊者又奉饌設於位前

子舉酒興即座飲食訖降再拜贊禮者引立於父

位前父命之曰往迎肅雍以昭惠宗祐子再拜曰

祗率嚴命又再拜降出乘馬至東華門內下馬禮

直官引就次有司陳帝姬鹵簿儀仗於內東門外
候帝姬將升厭翟車禮直官引婿出次立於內東
門外躬身西向掌事者以鴈陳於前內謁者奉鴈
以進俟帝姬升車訖婿再拜先還第同牢其日初
昏掌事者設巾洗各二一於東階東南一於室之
北水在洗東尊於室中實四爵兩盞爵盞以常用酒
器代婿至本第下馬以俟帝姬至降車贊者引婿
揖帝姬以入及寢門又揖婿導帝姬升降入室盥
洗掌事者布對位婿揖帝姬皆即座受醖三飲婿
及帝姬俱興再拜訖贊者徹酒見舅姑夙興帝姬
著花釵服綸翟以俟見贊者設舅姑位於堂上東
西相向舅位於東姑位於西舅姑服其服俱就位

後立女相者引帝姬升自西階詣舅位前再拜訖
贊者以棗棗授帝姬帝姬奉棗棗置於舅位前舅
即座贊者進徹以東帝姬退復位又再拜女相者
又引帝姬詣姑位前再拜訖贊者以服脩授帝姬
帝姬奉服脩置於姑位前姑即座贊者受以東帝姬
退復位又再拜次醴婦盥饋饗婦如儀五年五月
嘉德帝姬下嫁曹寅詔用新儀行盥饋之禮皇后
宮闈送至第外命婦免從重和五年十一月蔡京
請免茂德帝姬下降見舅姑行盥饋之禮詔不允
又詔神考治平間親灑宸翰以王姬下降躬行舅
姑禮革去歷代沿習之弊以成婦道以風天下於
是崇寧大觀以來詔有司講求典禮繼頒五禮新

儀著為永法近聞徒有奉行之名而舅姑既不端坐返有下拜之禮甚失本意可自今帝姬下降恪遵新儀

中興國史傳論曰右三十四帝姬早亡者十四人餘皆北迁獨恭福帝姬生才周晬虜不知故不行建炎三年薨封隋國公主安德帝姬有遺女一人後適嗣秀王伯圭封秦國夫人榮德帝姬至燕京駙馬曹成卒改適習古國王紹興中有商人妻易氏者在劉超軍中見內人言宮禁事遂自稱榮德帝姬鎮撫使解潛送至行在遣內夫人驗之言其詐遂付大理寺獄成詔杖死又有開封尼李靜善者內人言其貌似柔福靜

善即偽稱之蘄州兵馬鈐轄韓世清送至行在遣內侍馮益等驗視為所欺遂封福國長公主出適永州防禦使高世榮其後內人從顯仁太后歸言其妄送法寺治之內侍李諤自北還又言柔福在五國城適徐還而薨靜善遂伏誅柔福之薨也在紹興十一年從梓宮來者以其骨至葬之追封和國長公主

孝宗二女

嘉國公主

次女俱早世

光宗三女

文安公主

和政公主

齊安公主

俱早世

寧宗一女

祁國公主 世早

文獻通考卷之二百五十八

文獻通考卷之二百五十九

帝系攷

皇族

黃帝二十五子其得姓者一十四人

國語司空季子曰同姓為兄弟黃帝之子二十

五人其同姓者二人而已唯青陽與夷鼓皆為

已姓此二人相與同德故俱為青陽方雷氏之

甥也夷鼓彤魚氏之甥也方雷西陵氏之祖姓

帝娶於西陵氏之子曰甥擊雷甥但實生其同生而異

姓者四母之別為十二姓凡黃帝之子二十五

宗唐尚書曰繼別為小宗非也繼別其得姓者

一十四人為十二姓得姓以德居官而初賜之

文獻通考卷之二百五十九

姬三八而巳 姬酉祁巳 滕箴任荀 僖侂依是

也 唯青陽與蒼林氏同于黃帝故昏為姬姓十二

五宗唯青陽與蒼林德同德之難也如是自帝

同之其難也如是哉

昔高陽氏有才子八人 號八人 高陽氏顓頊之裔 蒼舒隤訖

擣戡大臨龍降庭堅仲容叔達 此即垂益禹皋陶

字隤徒回反 數五才反 一音五 回反 韋昭音瑰擣

直曲反 韋昭音挑戡以善反 漢書作戡 韋昭已震

下江反 陶音遙 齊聖廣淵明允篤誠天下之民謂

之八愷 齊中也 淵深也 九信也 篤 高辛氏有才子

八人 亦高辛氏帝嚳之號 八人 伯奮仲堪叔獻季仲

伯虎仲熊叔豹季狸 甫問反 熊音雄 狸力之反 契

息列反 依字當作 忠肅共懿宣慈惠和天下之

民謂之八元 肅敬也 懿美也 徧音遍 此十六族也 世

濟其美不隕其名 于敏反 墜直類反 隕 以至於堯

不能舉舜臣堯舉八愷使主后土 后土 官萬作

主地 以揆百事莫不時序地平天成 揆度也 成亦

反 舉八元使布五教于四方 故知契在八元之中

父義母慈兄友弟共子孝內平外成 狄諸夏外夷

昔帝鴻氏有不才子 黃帝鴻 掩義隱賊好行凶德醜

類惡物頑嚚不友是與比周 醜亦惡也 比近也 周

已反 心不則 德義之經 為頑口 天下之民謂之渾

敦 謂驩兜渾敦不開通之貌 渾戶本 少皞有不才

子 少皞金天氏之號 次黃帝 毀信廢忠崇飾惡言

靖諧庸回服讒蒐慝以誣盛德 崇聚也 靖安也 庸

行

也 蒐隱也 慝惡也 盛德賢人也 天下之民謂之窮

奇 謂共工其行窮其好奇 奇其宜 顓頊氏有不才

子不可教訓不知話言 戶快善也 話告之則頑 不入

心 舍之則囂 舍不道忠信 傲狠明德以亂天常 天下

之民謂之擣杙 報謂蘇擣杙 頑凶無儔匹之貌 傲五

本反 此三族也 世濟其凶 增其惡名 以至於堯

堯不能去 能須賢臣 而除之 去起呂反 注及下皆

同 縉雲氏有不才子 時官名黃帝 貪于飲食 冒于貨

賂 侵欲崇侈 不可盈厭 聚斂積實 不知紀極 不分

孤寡 不恤貧匱 也 厭於艷反 匱其媿反 天下之民

以比三凶 別以帝王之子孫 謂之饕餮 貪財為饕餮

刁反 養反 舜臣堯 臣為堯 賓于四門 賓禮眾賢 關婢亦

反 聰本亦作 流四凶族 而流放之 渾敦窮奇擣

杙 饕餮投諸四裔 以禦魑魅 魑 四遠使當魑 魅之放之

是以堯崩而天下如一同心戴舜以為天子 以其

舉十六相去四凶也

按八愷出自高陽 八元出自高辛 驩兜出

自帝鴻 共工出自少皞 鯀出自顓頊 皆黃

帝之裔也 雖賢否不同 而皆以帝者子孫 為顯官於唐虞之世 蓋古之仕者 世祿而

五帝三代之世系 未有不自黃帝者 故叙此段 以備唐虞以來公族世系之本末 云

周武王克商光有天下兄弟之國十有五入姬姓

傳富辰曰昔周公吊二叔之不成故封建親戚

以蕃屏周弔傷也咸同也周公傷夏殷之叔世

管蔡邠霍魯衛毛聃郟雍曹滕畢原鄭郕文之

昭也文王十六國皆邢晉應韓武之穆也武四國皆

禮記文王世子庶子之正於公族者教之以孝悌

睦友子愛明父子之義長幼之序正者政也庶子

者以齒寢庭路其在外朝則以官司士為之外朝

如外朝之位宗人授事以爵以官宗人掌禮及宗

命不踰父兄治之餘會乘之庶子治之雖有三

其喪服之精麗為序雖於公族之喪亦如之以次

主人大事謂死喪也其為若雖皆斬衰序之必以上

膳宰為主人燕尊不公與父兄齒親族食降

一等親者稠疏者希其在軍則守於公謂朝覲庶子以公

族之無事者守於公宮正室守於太廟正室適子太廟太

諸孫守下宮下室或下宮或言廟也下室燕寢五廟之

孫祖廟未毀雖為庶人冠取妻必告死必赴練祥

則告赴告於君也實四廟孫而也族之相為也宜

吊不吊宜免不免有司罰之免謂六世以至於贈

賻承含皆有正焉承讀為贈聲之誤也正禮也

贈出注舍胡暗反本又作舍贈賻哈遂皆贈喪之物也車馬曰賻布帛曰賻珠玉曰哈衣服曰遂總

猶送也贈賻公族其有死罪則磬于甸人不於市朝

甸人掌郊野之宮縣縊殺之曰磬其刑罪則織剝

亦告于甸人織讀為織織刺也剝割也宮割臚墨

鞫讀書用法曰鞫○織依注音織之林反徐子兼

反注本或作織者是依徐音而改也剝之免反告

依注作鞫又徐扶忍反刺七以反又七智反下同公族

無宮刑宮割獄成有司讞于公其死罪則曰某之

罪在大辟其刑罪則曰某之罪在小辟成平也讞

也辟亦公曰宥之宥寬也欲寬其有司又曰在辟

公又曰宥之也又復有司又曰在辟及三宥不對走

出致刑于甸人對答也先者君每言宥則答之以

往刑之為君公又使人追之曰雖然必赦之有司

對曰無及也赦罪既正不可宥乃欲及命于公刑殺

公素服不舉為之變如其倫之喪無服素服為吉於凶

吉事為凶非喪服也君雖不服臣卿大夫死則皮

弁錫衰以居往帛之當事則弁經於士蓋疑衰同

姓則總衰以帛之今無服者不往帛親哭之不往

也倫謂鞫鞫之此也素服亦皮弁矣親哭之不往

於臣使之而巳君○公族朝于內朝內親也雖有貴者

以齒明父子也謂以宗族事會外朝以官體異姓也體猶
也宗廟之中以爵為位崇德也崇高宗人授事以
官尊賢也有官能各登餼受爵以上嗣尊祖之道也嗣上
正統之喪紀以服之輕重為序不奪人親也紀猶公
與族燕則以齒而孝弟之道達矣以至尊不自其
族食世降一等親親之殺也殺勇戰則守於公禰
孝愛之深也行主君正室守太廟尊宗室而君臣
之道著矣廣守君所重諸父諸兄守貴室子弟守
下室而讓道達矣以其貴者守貴賤者守賤上言
五廟之孫祖廟未毀雖及庶人冠取妻必告死必
赴不忘親也親未絕而列於庶人賤無能也敬吊
臨賻贈睦友之道也古者庶子之官治而邦國有

倫邦國有倫而衆鄉方矣鄉方言公族之罪雖親
不以犯有司正術也所以體百姓也犯猶干也術
本或作刑于隱者不與國人慮兄弟也弗吊弗為
異姓非服哭于異姓之廟為忝祖遠之也素服居外不聽
樂私喪之也骨肉之親無絕也公族無官刑不翦
其類也翦割截也

左傳襄公十二年吳子壽夢卒臨於周廟禮也

於外王故魯立其廟吳始通魯同姓於宗廟所出王同宗於祖廟

始封君之廟同族於禰廟謂高祖以下是故魯為諸
姬臨於周廟為邢凡蔣茅胙祭臨於周公之廟

即祖廟也六國皆周公之
支子別封為國共祖周公

秦商鞅立法宗室非有軍功不得論為屬籍

漢高祖七年置宗正官以叙九族
文帝四年復諸劉有屬籍家無所與賜諸侯王子
邑名二千戶

孝武元光元年復七國宗室前絕屬者

按孝景三年詔楚元王子敖等與吳宗濞
等為逆朕不忍加法除其籍毋令汚宗室
是年始詔復之

後元二年正月朝諸侯于甘泉宮賜宗室

孝昭始元二年以宗室母在位者舉茂林劉辟強
劉長樂皆為光祿大夫辟疆守長樂衛尉

武帝時劉辟疆以宗室子隨二千石議論冠諸

宗室清寧少欲常以書自娛不肯仕昭帝即位
或說大將軍光曰將軍不見諸呂之事乎處伊
周之位攝擅權而背宗室不與共職是以天下
不信卒至滅亡今將軍當盛位帝春秋富宜納
宗室又多與大臣共事反諸呂道如是可免
患光然之乃擇宗室可用者辟強子德待詔丞
相府

孝宣地節元年詔曰蓋聞堯親九族以和萬國朕
蒙遺德奉承聖業惟念宗室屬未盡而以罪絕若
有賢材改行勸善其復屬使得自新孝成建始二
年罷博望苑以賜宗室朝請者

劉向上封事言王氏一姓朱輪華轂者二十三

八大將軍秉事用權五侯驕奢排擯宗室孤弱
公族其有智能者尤非毀而不進遠絕宗室之
任不令得給事朝省恐其與已分權事勢不兩
大王氏與劉氏且不並立宜發明詔吐德音援
近宗室親而納信黜遠外戚毋授以政所以褒
睦內外之姓子孫無疆之計也

哀帝即位賜宗室王子有屬者馬各一駟

本紀

平帝元始元年詔宗室屬未盡而以罪絕者復其

屬其為吏舉廉佐史補四百石

本紀師古曰宗室為吏者皆令舉廉

各從本秩而依廉吏遷之為佐史者例補四百石

四年二月賜宗室有屬籍者爵自五大夫以上各

有差

本紀

五年正月祫祭明堂宗室子九百人召助祭禮畢
皆益戶賜爵及金帛增秩補吏各有差詔曰蓋聞
帝王以德撫民其次親親以相及也昔堯睦九族
舜厚叙之朕以皇帝幼年且統國政惟宗室子皆
太祖高皇帝子孫及兄弟吳項楚元之後漢元至
今十有餘萬人雖有王侯之屬莫能相糾或陷入
刑罪教訓不至之咎也傳不云乎君子篤於親則
民興於仁其為宗室自太上皇帝以來族親各以
世氏郡國置宗師以糾之致教訓焉二千石選有
德義者以為宗師考察不從教令有寃失職者宗
師得因郵亭書言宗伯請以聞常以歲正月賜宗
師帛各十匹

西漢初宗室封王者帝子王已見皇

楚元王交高帝弟 代王喜高帝弟

荆王賈高帝從父弟

燕敬王澤高帝從祖昆弟各王受封傳國本末見封建攷此更不錄後同

西漢宗室王子侯

高帝時封三人 高后時封三人

孝文時封十四人 孝景時封七人

孝武時封一百七十七人

孝昭時封十二人 孝宣時封六十三人

孝元時封四十八人 孝成時封四十三人

孝哀時封九人 孝平時封二十七人

各侯姓名及受封傳國本末並見封建攷此

更不錄後同

東漢世祖建武二年十二月戊午詔曰惟宗室列

侯為王莽所廢先靈無所依歸朕愍之其並復故

國若侯身已歿屬所上其子孫見名尚書封拜記

十三年二月丙辰詔曰長沙王興真定王得河間

王邵中山王茂皆襲爵為王不應經義其以興為

臨湘侯得為真定侯邵為樂成侯茂為單父侯其

宗室及絕國封侯者凡一百三十七人丁巳降趙

王良為趙公太原王章為齊公魯王興為魯公

漢置宗正卿掌序錄王國嫡庶之次及諸宗親屬

遠近郡國歲因計上宗室名籍若有犯法當髡以

上先上諸宗正宗正以聞乃報決胡廣曰又歲一

秩序

和帝元興元年宗室以罪絕者悉復屬藉以後屢有此詔

錄不悉

魏文帝黃初二年制封王之庶子為公卿嗣王之

庶子為亭侯公之庶子為亭伯

明帝太和五年詔令諸王及宗室公侯各將適子

一人朝

齊王時宗室曹固上書曰大魏之興二十四年

矣子弟王空虛之地君有不使之民宗室竄於

閭閻不聞邦國之政權均匹夫勢齊凡庶內無

深根不拔之固外無盤石宗盟之助非所以安

社稷為萬世之業也且今之州牧郡守古之方

伯諸侯皆跨有千里之士兼軍武之任或比國

數人或兄弟並據而宗室子弟曾無一人廁其

間與相維制非所以強幹弱枝備萬一之虞也

今之用賢超為名都之主或為偏師之帥而宗

室有文者必限之小縣之宰有武者必致百人

之上非所以勸進賢能褒異宗室之禮也語曰

百足之虫至死不僵以其扶之者衆也此言雖

小可以譬大是以聖王安不忘危存不忘亡故

天下有變而無傾危之患矣冀以此論感寤曹

爽爽不能用

魏宗室

曹仁

太祖從弟仕至車騎將軍封陳侯

曹洪 太祖從弟 封至驃

曹休 太祖族子 封至大司馬

曹真 太祖族子 封至大

晉武帝懲魏氏孤立之敝 故大封宗室 授以職任

又詔諸王皆得自選國中長吏 衛將軍齊王攸獨

不敢皆令上請 又詔除魏宗室 禁錮晉置宗正統

皇族宗人圖謀

晉宗室王侯

安平獻王孚 宣帝弟

彭城穆王權 宣帝弟

高密文獻王泰 宣帝弟

范陽康王綏 宣帝弟

濟南惠王遂 宣帝弟

譙遜王剛 宣帝弟

任城景王陵 宣帝弟

平原王幹 宣帝弟

汝南文成王亮 宣帝子

琅琊武王佃 宣帝子

清惠亭侯京 宣帝子

扶風武王駿 宣帝子

梁王彤 宣帝子

趙王倫 宣帝子

齊獻王攸 文帝子

城陽哀王兆 文帝子

遼東悼惠王定國 文帝子

廣漢殤王廣德 文帝子

樂安平王鑒 文帝子

燕王機 文帝子

宋宗室諸王侯

長沙景王道憐 武帝中弟

臨川烈武王道規 武帝季弟

營浦侯遵考 武帝族弟

始武帝輔政時 諸子並弱 宗室唯有遵考

云

孝武制帝室 其親官非祿官者 月給錢十萬

齊宗室諸王侯

衡陽元王道度高帝長兄

始安王道生高帝次兄

南豐伯赤斧高帝從祖弟

臨汝侯坦之高帝族子

梁宗室王侯

吳平侯景武帝從父弟

長沙宣武王懿武帝兄

永陽昭王敷武帝兄

衡陽宣王暢武帝弟

桂陽簡王融武帝弟

臨川靜惠王弘武帝弟

南平元襄王偉武帝弟

安成康王秀武帝弟

始興忠武王憺武帝弟

鄱陽忠烈王恢武帝弟

梁置宗正卿位視列曹尚書主皇室外戚之藉以

宗室為之

陳宗室王侯

永脩侯擬武帝踈屬

遂興侯詳

宜黃侯慧紀武帝從孫

南康愍王曇朗武帝母弟

後魏宗室王侯

上左公紇羅神元帝曾孫

武陵侯因

長樂王壽樂並章帝後

望都公頽昭帝後

六修穆帝長子

曲陽侯素延

順陽公郁

宜都王目辰並桓帝後

吉陽男比干

江夏公呂道武族弟

高涼王孤平文帝第四子

西河公敷平文帝曾孫

司徒平文帝玄孫

武衛將軍謂烈帝第四子

河間公齊烈帝玄孫

扶風公處真烈帝後

文安公泥魏踈族

寔君昭武帝子

秦王翰昭武

閼婆

壽鳩

紇根

地干

力真

窟咄

並昭成

明帝時京兆王遙大功昆弟皆是景穆之孫至明帝而本服絕故除遙等屬籍遙表曰竊聞聖人所以南面而聽天下其不可得變革者則親也尊也四世而總服窮五世而袒免六世而親屬竭矣去茲以往猶繫之以姓而弗別綴之以食而弗殊又律曰議親者非唯當世之屬親歷謂先帝之五世謹尋斯旨將以廣帝宗重磐石先皇所以變茲事條為此別制者太和之季方有意於吳屬經始之費慮深在初割滅之起暫出當時也且臨淮王提分屬籍之始高祖賜帛

三千疋所以重分離樂良王長命亦賜縑二千疋所以存慈眷此皆先朝殷勤克念不得已而然者也古人有言百足之蟲至死不僵者以其輔已者衆臣誠不欲妄親太階苟求潤屋但傷大宗一分則天子屬籍不過千數人而已在漢親王之子不限多少皆列土而封謂之曰侯至于魏晉莫不廣胙河山稱之曰公者蓋惡其大宗之不固骨肉之恩踈矣臣去皇上雖是五世之遠於先帝便是天子之孫高祖所以國秩祿賦復給衣食后族唯給其賦不與衣食者欲以別內外限異同也今諸廟之感在心未忘行道之悲倏然已及其諸封者身亡之日三年服終

然後改奪今朝廷猶在過密之中便議此事實
用未安詔付尚書博議以聞尚書令任城王澄
尚書左僕射元暉奏同遙表靈太后不從
先是皇族有譴皆不持訊時有宗士元顯當犯
罪宗正約以舊制尚書李平奏以帝宗磐石周
布天下其屬籍踈遠蔭官卑末無良犯憲理須
根究請立限斷以為定式詔曰雲漢綿遠蕃衍
代滋植籍宗氏而為不善者良亦多矣先朝既
無不訊之格而空相矯恃以長為暴諸在議請
之外者可悉依常法

北齊宗室王侯

趙郡王琛神武
帝弟

清河王岳神武
父弟

廣平公盛神武
叔從

陽州公永樂神武
祖兄從

上洛王思宗神武
從子

平秦王歸彥神武
族弟

武興王普歸彥
兄子

長樂太守靈山神武
族弟
神武諸子已
見皇子門

齊置大宗正寺掌宗室屬籍統皇子王國諸長公
主家

周宗室無封爵貴顯者周文帝諸子已見皇子門
更不重叙

隋宗室諸王

蔡景王整文帝
次弟

滕穆王瓚文帝
弟

道宣王嵩文帝
弟

衛昭王爽文帝
弟

河間王弘文帝
從弟

義城公處綱文帝
族父

離石太守子崇武元帝族弟

唐宗室四十一房

一曰定州刺史名乞豆仕後魏太祖景皇帝虎之次弟 二曰南陽

公景帝子名延伯 三曰譙王景帝子名真 四曰葵王景帝子名

同 五曰畢王景帝子名璋 六曰雍王景帝子名珪 七

曰郇王景帝子名禕 八曰大鄭王景帝子名亮 九曰蜀

王代祖元皇帝名湛 十曰巢王高祖子名吉 十一曰大

楚王高祖子名雲 十二曰荆王高祖子名景 十三曰徐

王高祖子名禮 十四曰韓王高祖子名嘉 十五曰彭王

高祖子名則 十六曰小鄭王高祖子名懿 十七曰霍王

高祖子名軌 十八曰號王高祖子名鳳 十九曰道王高祖子名元

慶 二十曰鄧王高祖子名裕 二十一曰舒王高祖子名元

名 二十二曰魯王高祖子名靈夔 二十三曰江王高祖子名元

高祖子名祥 二十四曰密王高祖子名曉 二十五曰滕王

高祖子名嬰 二十六曰恒山王太宗子名承乾 二十七曰

吳王太宗子名恪 二十八曰濮王太宗子名泰 二十九曰蔣

王太宗子名憚 三十曰越王太宗子名貞 三十一曰紀王太宗子名

子名慎 三十二曰曹王太宗子名明 三十三曰澤王高祖子名上

郡王睿宗子名範 三十九曰章懷太子高宗子名賢 三十五曰湖陽

有隴西渤海二房附見其譜定著三十九房自玄

宗以後諸王不出問不分房子孫闕而不見

太宗貞觀元年初上皇欲強宗室以鎮天下故皇

再從三從弟及兄弟之子雖童孺皆為王王者數

十人上從容問郡臣徧封宗子於天下利乎封德
彝對曰前世唯皇子及兄弟乃為王自餘非有大
功無為王者上皇敦睦九族大封宗室自兩漢以
來未有如今日之多者爵命既崇多給力役恐非
示天下以至公也上曰然朕為天子所以養百姓
也豈可勞百姓以養己之宗族乎乃詔降宗室郡
王皆為縣公惟有功者數人不降

玄宗先天之後皇子幼則居內東封後以年漸長
成乃於安國寺東附苑城同為大宅分院居之名
為十王宅令中官押之於夾城中起居每日家令
進膳又引詞學工書之人入教謂之侍讀十王謂
慶忠棣鄂榮光儀穎永濟蓋舉全數其後盛壽儀

陳豐恒涼六王又就封入內宅開元二十五年鄂
光得罪忠王繼大統天寶中慶棣又歿唯榮儀十
四王居內而府幕列於外坊歲時通名起居而已
外諸孫長成又於十宅外置百孫院每歲幸華清
宮側亦有十王宅百孫院十王宮入每院四百餘
人百孫院三四十人又於宮中置維城庫諸王月
俸物納之以給用諸孫納妃嫁女亦就十院中太
子不居於東宮但居於乘輿所幸之別院太子之
子亦分院而居婚嫁則同親王公主於崇仁里之
禮院唐宗正寺掌天子族親屬籍以別昭穆凡親
有五等先定於司封一曰皇帝周親皇后父母視
三品二曰皇帝大功親小功尊屬太皇太后皇太

后皇后周親視四品三曰皇帝小功親總麻尊屬
 太皇太后皇太后皇后大功親視五品四曰皇帝
 總麻親袒免尊屬太皇太后皇太后小功親
 五曰皇帝袒免親太皇太后小功卑屬皇太后皇
 后總麻親視六品皇帝親之夫婦男女降本親二
 等餘親降三等尊屬進一等降而過五等者不為
 親諸王大長公主長公主親本品嗣王郡王非三
 等親者亦視五品選舉制凡館有二門下省有弘
 文館生三十六人東宮有崇文館生二十人以皇
 總麻以上親皇太后皇后大功以上親宰相貴官
 之子為之
 唐宗室王侯

南陽公延伯 <small>太祖長子</small>	譙王真 <small>太祖次子</small>
畢王璋 <small>太祖子</small>	江夏王道宗 <small>璋之孫</small>
雍王繪 <small>太祖子</small>	淮陽壯王道玄 <small>繪之孫</small>
郇王禧 <small>太祖子</small>	長平肅王叔良 <small>禧子</small>
新興郡王德良 <small>禧子</small>	長樂郡王幼良 <small>禧子</small>
蔡烈王蔚 <small>太祖子</small>	西平懷王安 <small>蔚子</small>
襄武郡王琛 <small>安子</small>	河間元王孝恭 <small>安子</small>
濟北郡王瑊 <small>安子</small>	漢陽郡王懷 <small>安子</small>
濟南郡王哲 <small>蔚子</small>	廬江郡王琰 <small>哲子</small>
鄭孝王亮 <small>太祖子</small>	淮安靖王神通 <small>亮子</small>
膠東郡王道彥	淄川王孝同
廣平王孝慈	清河王孝節
高密王孝譽	
河間王孝友	

膠西王孝義並神通子

梁王澄世祖子

蜀王湛世祖子

隴西恭王博义湛子

渤海敬王奉慈湛子

唐宗室宰相凡十一人

林甫回係房石

程福係房勉

夷簡宗係房鄭

適之係房山

峴係房知柔係太子宣惠

王氏揮塵錄曰唐書特立宗室傳贊乃云宰相

以宗室進者九人林甫姦諛幾亡天下程知柔

在位無所發明林甫在姦臣傳知柔相昭宗附

宣惠太子業傳後第五止叙七人適之峴

勉程夷簡石回然李麟乃懿

祖後李逢吉李蔚俱隴西同系李宗閔出鄭王
房李揆亦出隴西宰相共十三人也不同作一
傳何耶

宋宗室王

邕王光濟宣祖長子太祖

夔王光贊宣祖幼子太祖

秦王廷美宣祖第三子廷美諸子太宗篤親

屬籍皆曰皇子皇女及廷美

仁宗景祐中下詔度王清昭應宮舊地建宮合宗

室十位聚居賜名曰瞻親院於祖宗後選一人為

宗正以司訓導糾違失凡宗族之政令皆令掌之

奏事毋得專達先詳視可否以聞

初諸王邸散居京師過從有禁非朝謁從祠不得時會見仁宗立瞻親院以壽春郡王允讓知大宗正事總領輯睦甚有恩意務以身先之教養子孫崇尚藝學不率則正其罪故更相責厲莫不勸服故事內朝謁宗婦不預因曰託姻皇屬而不得一望禁闈非所以顯榮之也奏通其籍又宗婦少喪夫雖無子不許更嫁曰此非人情乃為請使有歸

神宗熙寧二年中書樞密院言祖宗受命百年皇族日以蕃衍而親疎之施未有等衰甄序其材未能如古獻議之臣謂宜有所釐正請參酌先王典制時事之宜條具聞奏詔同議以聞臣等今謀定

方今可行之制宣祖太祖太宗之子皆擇其後一人為宗世世封公補環衛官以奉祭祀不以服屬盡故殺其恩禮祖宗袒免親將軍已下願出官者聽仍先經大宗正司陳請大宗正擇本官尊長與大學教授使學才行堪任使者然後審察以聞就武官者試讀律習書就文官者說試一中經或論一首將軍換諸司副使太常丞正率換內殿崇班太子中允並與州郡監當一次任滿與親民副率換西頭供養官大理評事與監當一次任滿有州郡監司保舉者與親民否則即依外官祖宗袒免親未賜名授官者除右班殿直年十五與請給年二十許出官願換文官者與試銜知縣並令監當

考試及任滿有無保任如前法出官日並特與友
賜願鑠廳應舉者依外官其非袒免親不賜名授
官許應舉應進士者只試策論明經者習一大經
試大義及策初試不成文理者退黜餘令覆試取
合格者以五分為限人數雖多不得過五十人累
經覆試不中年長者當特推恩量材錄用已出
官者給俸依在京分數許依審官三班銓法指擬
注授不以遠近為限授文官者轉官者轉官與進
士出身同鑠廳應進士明經舉有出身入至負外
郎與轉左曹宗室不出官者祖宗元孫轉官至正
任觀察使止袒免親至遙郡刺史止祖宗袒免親
見任官合奏薦子孫者許依外官祖宗袒免親以

正見有官不願出官父祖俱亡者許在京居一隨
處置產其出官者置田宅如外官法祖宗袒免女
嫁賜錢減半婿與三班奉職非袒免女量加給賜
更不與婿官有官者與免入遠許依審官三班流
內銓法指擬注授班行免指使其袒免親娶婦量
加給賜其非袒免親嫁娶依庶姓仍不得與非士
族家為婚姻祖宗袒免親以外兩世貧無官者量
賜田孤幼無依及尤貧失所者不拘世數隨所在
官司具名聞奏當職特加存恤奏上詔曰自我祖
宗博叙邦族大則疏封於爵土次則通籍於閭臺
並留京師參奉朝請然而世緒寢遠皇枝益蕃屬
有親疏則恩有隆殺才有賢否則祿有重輕今而

一貫於周行是亦奚分於流別雖敦睦之道試廣而德施之義未周故廷臣數言宰司繼請謂宜定正限以等夷朕惟親戚之間紹史有訓漢唐之世故事具存或以九族辨尊卑或以五宗紀遠近或聽推恩而分子弟或許自試而効才能或宗子之賢得從科舉或諸王之女自主婚姻盡前世之所行顧當今之未備况我朝制作勳法先王豈宗室等衰乃無定著因俾羣公之合議將一代之通規載覽奏封具陳條目以謂祖宗昭穆是宜世世之封王公子孫抑有親親之教若乃服屬之既竭洎于才藝之並優在隨器以甄揚使當官而勉懋至於任子之令通婚之儀凡曰有司之常一用外官

之法僉言既允朕意何疑告於將來用頒明命宜依中書樞密院所奏施行

宗正寺言每歲寫仙源積慶圖宗藩慶緒錄送龍圖天章寶文閣今宗室非袒免親既不賜名授官一依外官之法請定所修圖冊詔下禮院詳定禮官言六世親屬既竭繫之以姓而弗別則禮有其義皇宗祖廟雖毀子孫皆於宗寺附籍則今有其文况朝廷釐改皇族授官之制而袒免外親統宗襲爵進預科選遷官給俸恩禮優異悉不與外官匹庶同法屬雖疎而恩數不絕若圖籍湮落則無審其所從證其宗正寺所修圖錄並請仍舊從之元豐官制行詔大宗正司不隸六曹大宗正以宗

室團練以上有德望者為之次一人為同知位高
屬尊者為制掌糾合族屬而訓之以德行道藝受
其詞訟而糾正其愆違有罪則先劾以聞法例不
能決者同上殿取裁凡宗室服屬遠近之數及其
賞罰規式皆總之屬有記室一人掌牋奏講書教
授十有二人講授兼領小學之事 渡江後頗用
南班多不得其人無以表率更生刻削宗室皆患
之 置宗學及學官本末見職官門

哲宗紹聖元年禮部言諸宗室係袒免以外兩世
祖父俱亡而無官雖有官而未厘務貧不能給者
委大宗正司及所在官司奏給錢米從之
徽宗崇寧元年詔曰神宗嘗詔宗室年長者推恩

又嘗詔袒免外兩世貧無官者賜田又嘗詔外任
者許居於兩京今宜遵先志宰臣蔡京等言宗室
舊來在宮有出入之限有不許外交之禁宮門
幾察之令今踈屬外居僅遍都下積日滋久殆不
能容若不居之兩京散之近郡立閑幾察之令或
一有非意犯法則勢有不可已者今請非袒免親
以下兩世除北京外欲分於西京南京近輔或沿
流便郡居止各隨州郡大小創置居宇仍先自兩
京為始每處置敷宗院命文武官各一負管幹參
酌在京宮院法禁不可行者頒下從之

大觀二年正月詔自我英宗起於濮邸繼大統
濮王之後於屬雖親於服已遠如不字之子論正

服則猶是總麻視正統則已非袒免無賜名授官之制無祿廩賜予之法比聞貧乏匱困或不能自存朕富有天下而五服內親僅同民庶非強本之道欲盡親親之禮而承統之重義所不敢夙夜以思當使恩義兩得然後為稱應牒三孫士字可依仲字不字及不字之子並依士字恩數條例宗女隨其字行等第施行庶不失承統之義而曲盡人倫之親

八月詔保州皇族子孫於屬雖遠然若有仁而遺其親者比聞皇族之孫未官者餘三十人或貧乏不能自存已令置敦宗院其六房內各擇最長年二十已上者與三班奉職二人一房及六人已上

加一人並與添差監當

宣和五年詔今後內外宗室並不稱姓七年後詔依熙寧法並著姓

先是宗正少卿趙子崧賜對帝問宗子何以著姓子崧以熙寧之法為對遂詔宗室並不著姓其後有司不復攷故事官職無高下皆名別之至是子崧復為帝言故寢前詔

宋朝宗室侍從自宣和至嘉泰凡十九人太祖下

令鑠寶文閣待制令銀戶部侍郎子崧端明殿學士子晝子溟子

標並寶文閣待制子灞子厚伯圭端明殿學士師訓工部

師數文閣巽戶部侍郎太宗下不流善堅

並工部不迹華文閣魏王下彥中中書舍人彥操煥章閣待

制 彥逾工部侍郎宗室為狀元者乾道初汝愚中詞科

者淳熙初彥中童子舉者慶元中崇禎三年六

月已卯崇禎以能誦六經免文解 宗正寺仙源

類譜太祖下德字行四人惟字行八人從字守字

行二十四人世字行一百二十九人令字行三百

六十四人子字行一千二百五十一人伯字行一

千六百四十五人孝宗同師字行一千四百九十

人希字行一千一百四十人與字行一百十人凡

六千三百六十五人孟字行由字行未見數太宗

下元字行九人允字行十九人宗字行七十五人

英宗同仲字行三百八十八人十字行一千四百

九十九人不字行二千一百三十人善字行二千

四百三十一人汝字行一千二十二入崇字行四

百一十三人必字行一十九人凡八千有五人良

字行友字行未見數魏悼主下德字行十人承字

行三十二人克字行一百二十七人叔字行五百

六十一人之字行一千四百二十五人公字行一

千七百七十四人彥字行一千八百二十四人夫

字行一千六百六十六人時字行二百五十三人

若字行二十四人嗣字行未見數其見數者凡七

千二百九十六人以淳熙八年計之三祖下合二

萬一千六百六十有六人英宗子吳王益下孝字

行十三人安字多字居字行皆為南班官未見數

淳熙初詔多字行之子連自字紹熙初詔自字行

之子連甫字徽宗予隸華宅諸王下連卿字卿字
下連茂字茂字下連中字中字下連孫字然隸華
子孫自靖康以來皆隔異域但遺為排連而已
保州宗室者翼祖皇帝後也建炎初隔絕紹興九
年渡江者數十人誦官四人而已上念之詔注官
如兩京例今廣字繼字夫字行者是也 故事宗
女適人皆內侍與有司主之熙寧後以昭穆益疎
乃給奩具祖宗元孫女五百千五世三百五十千
六世三百 千七世二百五十千八世百五十千
紹興七年冬詔元孫減五之二六世八世減三之
一五世七世減七之二已適而再行者各減半然
有司不時給宗女貧不能行多自稱不願出適者

三十二年惠靖襄王子子遊知南外宗正事請於
朝下泉州以經總制司錢支給云

建炎末上以天屬避地者少詔南班宗婦無子孫
食祿者廩給有差凡祖宗總麻親歲給錢九十六

千米三十六斛帛二十八疋袒免親錢米減三之
一縣帛並減半

賜予紹興初以軍興財匱罷之

皇叔祖右監門衛大將軍仲圭卒于臨安至無以
斂判大宗正事齊安郡王士儂言于朝詔總麻親

任環列以上亡者賜錢三百千袒免減三之一
甲辰今以為例焉本朝宗室皆聚於京師熙寧間始
許居于外蔡京為政即河南應天置西南二敦宗

院設宗官主之靖康之禍在京宗室無得免者而
睢維二都得全建炎初上將南幸先徙諸宗室於
江淮於是大宗正司移江寧南外移鎮江西外移
揚州元年八月明年春又移西外於泰州及高郵軍
正甲午三年冬又移於福州而南外移泉州以避狄
甲十二月紹興元年秋嗣濮王仲湜請合西南外宗
正為一司以省財用有司以泉州乏財不許九月
是時兩外宗子女婦合五百餘人歲費緡錢九萬
南外三百四十九人歲費錢約三萬緡西紹興府宗
正司者紹興三年以行在未有居第權分宗子居
之三十年春恩平郡王出居會稽遂以為判大宗
正事三月乾道七年虞丞相秉政言蜀中闕大宗

正司上欲移紹興府宗正司於成都五月既而不
行但省會稽一司而已今蜀中宗子甚衆既無親
賢領之但每州以行尊者一負檢察錢米請受由
是往往蹈於非彝而不可訓焉

東都故事宗子皆築大舍聚居之太祖太宗九王
後曰睦親秦王後曰廣親英宗二王曰親賢神宗
五王曰棣華徽宗諸王曰蕃衍渡江後宗子始散
居郡邑惟親賢子孫為近屬則聚居之孝宗子四
人邵悼肅王無後莊文太子魏惠憲三早薨莊文
之妃惠憲之夫人皆別居賜第初莊文既大祥議
者欲皇孫出居于外或以為不可又踰年竟以知
樞密院府為外第焉紹熙初寧宗封嘉王將以所

藉富民裴氏之居為府第而議者以為非宜乃改築蓋自紹興以來天屬鮮少故不復賜宅名云

容齋洪氏隨筆曰吏部負多闕少今為益甚而選人當注職官簿尉輒為宗室所奪蓋以盡壓已到部人之故案宣和七年八月臣僚論祖宗時宗室無參選法至崇寧初大啓僥倖遂使任意出官又優為之法參選一日即在闔選名次之上以天支之貴其間不為無人而膏粱之習貪淫縱恣出為民害者不少議者頗欲懲革罷百十人之私恩為億萬人之公利誠為至當若以親愛未忍姑乞與在部人通理名次從之靖康元年八月又奏云祖宗時未有宗室參部之

法神宗時始選擇差注一二崇寧初立法太優宗室參選之日在本部名次之上既歷年月深遠勞効顯著之人復占名州大縣優便豐厚之處議者頗欲懲革不注郡守縣令與在部人通理名次有旨從之此二段元未嘗衝改不知何時復紊也

又曰本朝宗室袒免親女出嫁如婿係白身人得文解者為將仕郎否則承節承信郎妻雖死夫為官如故案唐正元中故懷澤縣主婿檢校贊善大夫竇刻紹狀言臣頃以國親超受寵祿及縣主薨遊臣官遂停臣倍位出身未授檢校官自有本官伏乞宣付所司許取前街婺州司

戶參軍隨例調集詔許赴集仍委所司比類前任正貲官依資注擬自今已後郡縣主婿除丁憂外有曾任正貲官停檢校官俸料後者準此處分乃知婿官不停者恩厚於唐世多矣紹興中高士轟尚偽福國長公主至觀察使及公主事發誅死猶得故官可謂優渥

又曰壽皇聖帝登極赦恩凡宗子不以服屬遠近人數多少其曾獲文解兩次者並直赴殿試略通文墨者所在州量試則補承信郎由是入仕者過千人已上淳熙十六年二月紹熙五年七月二赦皆然故皇族得官不可以數計偶閱唐昭宗實錄載一事云宗正少卿李克助奏准

去年十一月赦書皇三等以上親無官者每父下放一入出身皇五等以上親未有出身陪位者與出身寺司起請承前舊例九廟子孫陪位者每父下放一人出身共放三百八十八人其諸房宗室等各赴陪位納到文狀共一千二十七人除元不起陪位及不納到狀及違寺司條流不取宗室充係落下外係三百八十八人合放出身勅准赦書處分子案昭宗以文德元年即位次年十一月南郊禮畢肆赦其文略云皇三等以上親委中書門下各擇有才行者量與改官無官者每父下放一人出身皇五等以上親未有出身陪位者與出身然則亦有三等親陪位

與不陪位之差別也

文獻通考卷之二百五十九

